

187  
30. okt.

## REGLUGERÐ

um breyting á reglugerð nr. 133/1950 um stóreignaskatt samkvæmt  
12. gr. laga nr. 22/1950.

Í stað tímaákvörðunarinnar „30. júní 1951“ í 1. mgr. 22. gr. reglugerðarinnar komi: 15. nóvember 1951.

Með reglugerð þessari, sem öðlast þegar gildi, er felld úr gildi 2. gr. reglugerðar nr. 152 1. ágúst 1951.

*Fjármálaráðuneytið, 30. október 1951.*

**Eysteinn Jónsson.**

*Kjartan Ragnars.*

188  
2. nóv.

## SAMÞYKKT

fyrir Fiskræktar- og veiðifélagið Laxinn.

1. gr.

Félagið heitir Fiskræktar- og veiðifélagið Laxinn. Heimili þess og varnarþing er á þingstað Saurbæjarhrepps í Dalasýslu.

2. gr.

Markmið félagsins er að auka laxveiði á félagssvæðinu og arð af henni, með því:

1. að stunda laxaklak;
2. að reka laxveiði fyrir alla félagsmenn, sameiginlega á einum eða fleiri stöðum, ef henta þykir.

3. gr.

Félagið hefur umráð yfir öllum rétti til laxveiða í þessum vötnum: Hvolsá og Staðarhólsá ásamt síkjum og lækjum og öðrum ám, sem falla í árnar.

Félagsmenn eru allir ábúendur þeirra jarða, er land eiga að nefndum vötnum. Stórholt, Litlaholt, Neðri Brunná, Efri Brunná, Máskelda, Hvoll, Neðri Brekka, Fremri Brekka, Bersatunga, Hvítidalur, Belgsdalur, Litli-Múli, Stóri-Múli, Þurranes, Ós, Lambanes, Staðarhóll, Mikligarður, Þverfell, Hvammsdalskot, Hvammsdalur, Kjarlaksvellir, Þverdalur, Bjarnastaðir, Kverngrjót, Saurhóll, Tjaldanes.

4. gr.

Óheimilt er öllum að veiða lax og silung í vötnum þessum nema með sérstöku og skriflegu leyfi félagsstjórnarinnar. Skal þar tekið fram um veiðitíma og veiðitæki og með hvaða kjörum leyfið er veitt.

5. gr.

Heimilt er félagsstjórn að leigja ár á félagssvæðinu, eða hluta af þeim, einstökum mönnum eða félögum, til stangaveiði, ef sýnilegt þykir, að það sé hagur fyrir félagið. Þó má það leyfi eigi vera til lengri tíma en eins árs, nema lögmætur fundur samþykki og tekið hafi verið fram í fundarboði að slíkt veiðileyfi yrði til umræðu.

## 6. gr.

188

Nú tekur félagið upp sameiginlega veiði og ræður það þá mann til að standa fyrir veiðinni. Hann nefnist veiðistjóri.

30. okt.

Veiðistjóri annast um framkvæmdir félagsveiðinnar. Ræður hann menn sér til aðstoðar eftir þörfum. Hann sér um verkun og sölu á veiðinni, og færir alla reikninga þar að lútandi, allt í samráði við félagsstjórn.

## 7. gr.

Félagið starfrækir laxaklak á þeim stað eða stöðum, sem félagsstjórnin velur í samráði við fiskiræktarráðunaut. Kostnaði við það skal jafna á félagsmenn eftir þeim hlutföllum, sem arðskrá félagsins tiltekur. Klekja skal út minnst 100 seiðum fyrir hvern lax, sem veiðist á félagssvæðinu.

## 8. gr.

Stjórnina skipa 3 menn: formaður og tveir meðstjórnendur. Skulu þeir kosnir á aðalfundi til þriggja ára í senn. Ganga þeir úr stjórninni á víxl þannig: Formaður gengur úr eftir eitt ár, annar meðstjórnandi eftir hlutkesti eftir 2 ár. Síðan helzt sama röð. Enginn atkvæðisbær félagsmaður getur skorast undan kosningu, nema lögmæt forföll hamli, eða hann hafi verið 3 ár í stjórn.

## 9. gr.

Stjórnin hefur á hendi umsjón með öllum framkvæmdum félagsins milli aðalfunda. Hún ræður veiðistjóra og klakstjóra og gerir við þá samninga um kaup og önnur kjör, enda samþykki lögmætur félagsfundur þá samninga. Hún hefur eftirlit með því, að samþykkt félagsins sé hlýtt og má ráða menn sér til aðstoðar, þó án kostnaðar fyrir félagið.

Formaður er fulltrúi félagsins út á við og hefur yfirumsjón með störfum félagsins og fjárreiðum þess öllum. Afl atkvæða ræður úrslitum mála á félagsfundum.

## 10. gr.

Aðalfund heldur félagið í janúarmánuði ár hvert. Aðalfundur er lögmætur:

- a. ef hann er boðaður símleidis með þriggja daga fyrirvara og sé fundarefnið getið í fundarboði;
- b. sé meiri hluti stjórnar mættur á fundinum.
- c. Nú er aðalfundur ekki lögmætur og skal þá boða til hans á ný með minnst þriggja daga fyrirvara, og er þá fundurinn ávallt lögmætur.

Á aðalfundi skýrir stjórnin frá störfum félagsins á liðnu starfsári, leggur fram áætlun og tillögur um starfsemi þess á næsta ári. Þar leggur hún og fram endurskoðaða reikninga félagsins og úrskurðar fundurinn um þá. Aðalfundur kýs stjórn og tvo endurskoðendur félagsreikninga. Hann kveður á um laun stjórnar og annarra starfsmanna félagsins. Afl atkvæði ræður úrslitum mála á fundum, nema um breytingar á samþykktum sé að ræða eða félagsslit.

## 11. gr.

Aukafund heldur stjórnin þegar henni þykir ástæða til, eða ef  $\frac{1}{4}$  félagsmanna æskir þess og tilgreinir fundarefni.

## 12. gr.

Reikningsár félagsins er almanaksárið. Skulu reikningar fullgerðir fyrir aðalfund og lagðir þar fram endurskoðaðir til úrskurðar.

## 13. gr.

Arði af sameiginlegri veiði, svo og öllum gjöldum, er af starfsemi þess leiða, skal skipt niður á félagsmenn samkvæmt arðskrá, sem lögmætur fundur samþykkir

188 og undirrituð er af  $\frac{2}{3}$  félagsmanna. Gildir hún til 10 ára í senn. Náist ekki samkomu-  
30. okt. lag um nýja arðskrá, að þeim tíma liðnum, gildir gamla arðskráin áfram.

## 14. gr.

Eigi má úthluta arði samkv. 13. gr. fyrr en eftir aðalfund, enda tekjuafgangur á ársreikningi. Verði útgjöld meiri en tekjur, skal jafna þeim niður á félagsmenn eftir þeim hlutföllum, er arðskrá ákveður.

## 15. gr.

Brot á samþykkt þessari varða sektum frá 100—500 kr. og veiði eða andvirði hennar gerð upptæk og renni í sýslusjóð.

## 16. gr.

Samþykkt þessari verður ekki breytt, nema  $\frac{2}{3}$  mættra félagsmanna á aðalfundi samþykki breytinguna.

## 17. gr.

Félaginu má slíta, ef  $\frac{2}{3}$  félagsmanna samþykkja það.

Samþykkt þessi staðfestist hér með samkvæmt lögum nr. 112 9. október 1941, um lax- og silungsveiði, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

*Landbúnaðarráðuneytið, 30. október 1951.*

**Hermann Jónasson.**

*Porv. K. Þorsteinsson.*

189

2. nóv.

## REGLUGERÐ

fyrir Bjargráðasjóð Íslands.

### I. Tilgangur sjóðsins.

## 1. gr.

Tilgangur Bjargráðasjóðs Íslands er að vera til hjálpar í hallæri eða til að afstýra því, en það telst hallæri, ef sveitarfélög, eitt eða fleiri í sýslu, eða bæjarfélög verða af náttúruvöldum svo illa stödd, að þau megna ekki af eigin rammleik að forða mönnum og skepnum við harðrétti og felli.

### II. Heimili, varnarþing og stjórn sjóðsins.

## 2. gr.

Heimili Bjargráðasjóðs Íslands og varnarþing er í Reykjavík.

## 3. gr.

Í stjórn Bjargráðasjóðs Íslands eru skrifstofustjórinn í félagsmálaráðuneytinu, sem er formaður stjórnarinnar, formaður Búnaðarfélags Íslands og forseti Fiskifélags Íslands. Stjórn Bjargráðasjóðs heldur fundi eigi sjaldnar en einu sinni í mánuði, en auk þess ber henni að halda aukafundi, þegar mikilvægar beiðnir berast eða ráðherra óskar álits hennar eða tillagna. Ráðherra ákveður til 5 ára í senn hverja þóknun sjóðstjórnin skuli taka fyrir störf sín.